



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-418-6/24**  
Datum: **30.09.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „IE GRADNJA“ d.o.o. Bihać, za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Gata" u naselju Gata, Grad Bihać, na osnovu člana 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/23), donosi:

### **RJEŠENJE** **o vodnoj dozvoli**

1. Pravnom licu, „IE GRADNJA“ d.o.o. Bihać, daje se vodna dozvola za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Gata", a čije su granice istražnog polja odobrene Rješenjem Federalnog ministarstva prostornog uređenja i okolice, broj: UP-I/02/2-23-7-57/03 od 26.03.2004. godine, kojim se daje urbanistička saglasnost za eksploataciju mineralne sirovine na lokalitetu „Gata“, Rješenjem Federalnog ministarstva energije, rudarstva i industrije, Up/I broj: 07-18-461/02 od 03.10.2002. godine, kojim se odobrava eksploatacija mineralne sirovine na istražnom prostoru „Gata“, odnosno Rješenjem Ministarstva privrede Unsko-sanskog kantona broj: 06-18-4085-UP-1/2014 od 04.05.2015. godine, kojim se odobrava eksploatacija dolomita na predmetnoj lokaciji (proširenoj sa 5,1 na 9,8 ha), na zemljištu na kojem su riješeni imovinsko-pravni odnosi.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Rješenje o vodnoj dozvoli se donosi na osnovu pregleda dokumentacije kojom raspolaže podnosilac zahtjeva, izvršenog uviđaja na površinskom kopu i pod slijedećim uslovima:
  - 3.1. Da korisnik predmetnog objekta isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole, okolinskom dozvolom te saglasnostima i dozvolama dobivenim od strane drugih nadležnih organa.
  - 3.2. Da korisnik objekta za eksploataciju dolomita na površinskom kopu „Gata“ s pratećim sadržajima, u roku od **1 (jedne) godine dana**, od dana pravosnažnosti ovog rješenja, sa koncesorom zaključiti aneks ugovora o koncesiji, budući je važnost istoga prestala sa 15.7.2024. godine.
  - 3.3. Da korisnik predmetnog objekta u toku važenja ovog akta dovrši predviđeni razvod vodovodne instalacije te uradi monitoring okno iza separatora ulja i masti, a prije ispusta u prijemnik.
  - 3.4. Skladištiti ulja i maziva u natkrivenom prostoru ili izgraditi namjenski objekt za skladištenje i pretakanje ulja i maziva te izvesti AB tankvanu od vodonepropusnog betona otpornog na dejstva hemikalija.
  - 3.5. Odabranim sistemom tretmana tehnoloških otpadnih voda se mora obezbjediti da granične vrijednosti parametara efluenta budu u granicama vrijednosti datih u skladu sa članom 15. Prilog 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24).
  - 3.6. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije.
  - 3.7. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora te talog iz taložnika, potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
  - 3.8. Metalne otpade potrebno je sakupiti u namjenske posude do odvoza od strane firme koja ovaj otpad koristi kao sirovinu.
  - 3.9. Opasni materijal i otpad nastao pri izvođenju radova i eksploataciji mineralne sirovine ne smije se ni privremeno odlagati na česticu «vodno dobro», odnosno u vodotok i na njegove obale.

- 3.10. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe. Rezultate analiza dostaviti ovoj Agenciji.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 3.11. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. Uredbe o uslovima ispuštanja otpadnih voda u okoliš i sisteme javne kanalizacije.
4. Korisnik predmetnog objekta ne smije vršiti eksploataciju mineralne sirovine niti bilo kakve iskope ili miniranja ispod kote 280 m n.v., kako je to propisano urbanističkom i vodnom saglasnošću, a u cilju sprečavanja mogućnosti štetnog djelovanja na režim termomineralnih voda Gate - Ilidže.
5. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
6. U periodu važenja ove dozvole, korisnik „IE GRADNJA“ d.o.o. Bihać je dužan provoditi sve mjere i aktivnosti propisane istom.
7. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godina, od dana pravosnažnosti ovog rješenja.
10. Ovo rješenje o vodnoj dozvoli prestaje da važi ako korisnik predmetnog objekta ne ispuni uvjete iz tačke 3.2. ovog rješenja.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenju ovog vodnog akta.
13. Uvjet za izdavanje novog vodnog akta je ispunjenje uvjeta navedenih tačkom 3.2. ovog rješenja i ukoliko isti ne budu ispunjeni neće se moći izdati novi vodni akt, a u skladu sa odredbama Zakona o vodama i odredbama Uredbe o izmjeni i dopuni uredbe o uslovima ispuštanja otpadnih voda u okoliš i sisteme javne kanalizacije.

### **O b r a z l o ž e n j e**

Pravno lice „IE GRADNJA“ d.o.o. Bihać, obratilo se ovoj Agenciji dana 16.08.2024. godine zahtjevom, broj: 06-VD/24, za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Gata", izgrađenog u naselju Gata, Grad Bihać, a na kojem se vrši eksploatacija industrijske mineralne sirovine dolomita.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Rješenje o izmjenama podataka (prva strana); izdano od strane Općinskog suda u Bihaću pod brojem 017-0-Reg-21-000428, dana 7.7.2021. godine (ovjerena kopija),
- Uvjerenje o registraciji poreznog obveznika; izdano od strane Federalnog ministarstva financija – finansija, Porezne uprave Federacije Bosne i Hercegovine, Kantonalnog poreznog ureda Bihać dana 14.07.2021. godine (ovjerena kopija),
- Ovjerena kopija Uvjerenja o registraciji/upisu u Jedinostveni registar obveznika indirektnih poreza, izdano od strane Uprave za indirektno-neizravno oporezivanje Bosne i Hercegovine, broj 04/117-UPJR/1-4610-2/21, dana 29.7.2021. godine, u Banjaluci (ovjerena kopija),
- Uplatnica upravne pristojbe,

- Rješenje, kojim se daje urbanistička saglasnost „IKIĆ COMERC“ d.o.o. Bihać, sa sjedištem u Kamenici, Ul. Plješevička 125, za proširenje eksploatacionog polja za izvođenje površinske eksploatacije mineralnih sirovina (kamena dolomita), na zemljištu (po kulturi golet, šikara, izdaničke šume) u vlasništvu „IKIĆ COMERC“ d.o.o., na lokalitetu „Gata“ koji se nalazi u graničnom pojasu između općine Bihać i općine Cazin, za dodatnu površinu od 4,7 ha što čini eksploataciono polje ukupne površine 9,8ha. Ležište kamena dolomita „Donja Gata“ se nalazi na udaljenosti od 15 km sjeveroistočno od Bihaća, na jugoistočnim obroncima Petrove Gore, na udaljenosti od 2,0 km od naselja Donja Gata, koje se preko postojećeg makadamskog puta priključuje na regionalnu cestu Bihać-Cazin. Najbliže izvorište podzemnih voda se nalazi u naselju Gata, na udaljenosti od oko 2,0 km, u kojem se nalazi i izvorište termomineralnih voda. U blizini kamenoloma, na udaljenosti od cca 150 m protiče manji potok Kozilar koji drenira okolne površine. Na istom lokalitetu, na površini od 3,5 + 1,6 ha (ukupno 5,1 ha) otpočeli su radovi eksploatacije dolomita na osnovi ranije izdate urbanističke saglasnosti i odobrenja za eksploataciju te mineralne sirovine. Prema tehničkom opisu radova, na predmetnom lokalitetu planirano je izvođenje površinske eksploatacije kamena dolomita putem etažnog otkopavanja istoga (tri eksploatacione etaže). Izvođenje rudarskih radova predviđeno je bušenjem i miniranjem stijenske mase i obaranjem iste na početni plato, te utovar i transport kamenog materijala do postojećeg postrojenja separacije na kojoj će se vršiti daljnja prerada kamena i njegovo uskladištenje do konačnog transporta; izdano od strane Federalnog ministarstva prostornog uređenja i okolice pod brojem: UP-I/02/2-23-7-57/03, dana 26.03.2004. godine, u Sarajevu (kopija),
- Rješenje, kojim se privrednom društvu „Ikić comerc“ d.o.o. Bihać, sa sjedištem u Kamenici kod Bihaća, ul. Plješevička broj 125 odobrava upotreba rudarskih objekata, postrojenja, uređaja i instalacija na PK-kamenolomu „Gata“ kod Bihaća; izdano od strane Federalnog ministarstva energije, rudarstva i industrije pod brojem Up/I broj: 06-18-127/04, dana 31.08.2004. godine, u Mostaru (kopija),
- Rješenje, kojim se odobrava prenos geoloških istraživanja ležišta dolomita „GATA“ na području Grada Bihaća od strane privrednog društva „IKIĆ KOMERC“ d.o.o. Bihać, privrednom društvu „IE GRADNJA“ d.o.o. Bihać na osnovu Ugovora ovjerenog kod Notara broj: OPU-OV: 258/2019 od 16.05.2019. godine; izdano od strane Ministarstva privrede Unsko-sanskog kantona pod brojem 06-18-10933-2/19, dana 01.10.2019. godine, u Bihaću (kopija),
- Rješenje, kojim se odobrava dozvola za eksploataciju (eksploataciono pravo) dolomita na eksploatacionom polju „GATA“ na području Grada Bihaća, sa privrednog društva „IKIĆ COMERC“ d.o.o. Bihać, na privrednom društvu „IE GRADNJA“ d.o.o. Bihać, koja je donešena od strane Ministarstva privrede Rješenjem broj: 06-18-4085-UP-1/2014 od 04.05.2015. godine, na osnovu Ugovora ovjerenog kod Notara broj: OPU-OV: 258/2019 od 16.05.2019. godine; izdano od strane Ministarstva privrede Unsko-sanskog kantona pod brojem 06-18-10177-UP-1/19, dana 17.10.2019. godine, u Bihaću (kopija),
- Ugovor o prenosu koncesije br. KU 014/2014 za istraživanje i eksploataciju dolomita na ležištu „GATA“ na području Grada Bihaća; zaključen između koncesionara „IE Gradnja“ d.o.o. Bihać i „Ikić comerc“ d.o.o. Bihać pod brojem 24/19 te koncesora Ministarstvo privrede USK pod brojem 06/318-9876-2/04, dana 15.10.2019. godine, u Bihaću (kopija),
- Rješenje, kojim se izdaje okolinska dozvola operatoru „IE GRADNJA“ d.o.o. Bihać, za eksploataciju i preradu tehničkog kamena dolomita na lokaciji Gata, općina Bihać, čije se eksploataciono polje obuhvata ukupnu površinu cca 9,9 ha na zemljištu označenom kao k.č. broj: 252, 256/5, 255/3, 285/2, 285/1, 253, 430/1, 430/2, 431/1, 431/2, 432/2, 251, 451/1, 451/2 k.o. Donja Gata; izdano od strane Federalnog ministarstva okoliša i turizma pod brojem UPI 05/2-02-19-5-15/20, dana 28.02.2020. godine, u Sarajevu (kopija),
- Obavijest o privremenoj obustavi rudarskih radova; proslijeđena Kantonalnoj upravi za inspeksijske poslove dana 18.12.2023. godine pod brojem 12/23 (kopija),
- Zapisnik o inspeksijskom nadzoru; urađen od strane Inspektorata urbanističko-građevinske, ekološke i komunalne inspekcije, Kantonalne rudarske inspekcije, Kantonalne uprave za inspeksijske poslove Bihać pod brojem UP-1-17-14-00981/24-1050-003-P, dana 05.06.2024. godine, u Bihaću (kopija),
- Obavijest o ponovnom pokretanju proizvodnje i formiranju stručne komisije; proslijeđena Kantonalnoj upravi za inspeksijske poslove Unsko-sanskog kantona pod brojem 05-08/24, dana 12.08.2024. godine (kopija),
- Izvještaj o monitoringu kvaliteta i kvantiteta otpadnih voda kamenola „GATA“ Bihać firme IE GRADNJA; urađen od strane Inspekt – RGH d.o.o. Sarajevo pod brojem 998/21, dana 08.06.2021. godine, u Sarajevu,
- Izvještaj o monitoringu kvaliteta i kvantiteta otpadnih voda; urađen od strane Instituta za kvalitet, standardizaciju i ekologiju TQM d.o.o. Lukavac pod brojem 1/1, jula 2022. godine,
- Izvještaj o monitoringu kvaliteta i kvantiteta otpadnih voda; urađen od strane Instituta za kvalitet, standardizaciju i ekologiju TQM d.o.o. Lukavac pod brojem 1/1, jula 2023. godine,
- Obavijest o dopuni podneska zahtjeva, broj: 09/24 od 02.09.2024. godine,

- Rješenje, kojim se privrednom društvu „Ikić comerc“ d.o.o. Bihać sa sjedištem u ul. Plješevička 125, u Kamenici kod Bihaća odobrava se izvođenje radova po Glavnom rudarskom projektu eksploatacije tehničkog kamena dolomita na kamenolomu „Gata“ kod Bihaća: -Tehničkom projektu skladišta eksploziva, iz aprila 2003. godine, - Tehničko-izvedbenom građevinskom projektu separacije „Gata“, Knjiga B i Knjiga B i Knjiga B2 iz juna 2003. godine, - Tehničkom izvedbenom tehnološko-mašinskom projektu separacije „Gata“, Knjiga A iz juna 2003. godine, - Tehničkom projektu napajanja električnom energijom, Knjiga C iz juna 2003. godine; izdano od strane Federalnog ministarstva energije, rudarstva i industrije pod brojem Up/I broj: 07-18-419/03, dana 12.8.2003. godine, u Mostaru (kopija),
- Ugovor o koncesiji br. KU 014/2004 za istraživanje i eksploataciju dolomita na ležištu „Gata“ u općini Bihać, zaključen sa koncesorom – Knatonalnim ministarstvom privrede Unsko-sanskog kantona dana 15.07.2004. godine u Bihaću pod brojem 06/3-18-9786-1/04,
- Zaključak o vodnoj dozvoli, kojim se obustavlja postupak, kod ove Agencije pokrenut po zahtjevu pravnog lica „IE GRADNJA“ d.o.o. Bihać za izdavanje vodne dozvole za aktivnost ispuštanja tehnoloških otpadnih voda sa lokacije površinskog kopa Gata, lociranog u naselju Gata, na zemljištu označenom kao k.č. broj: 429, 4360/1, 430/2, 431/1, 431/2, 432/1, 432/2, 252, 253, 256/3, 256/4, 256/8, 255/2, 255/3, 256/2, 257, 285/1, 285/2, 286/1, 286/2, i 286/3 K.O. Donja Gata, Grad Bihać; izdan od strane Agencije za vodno područje rijeke Save Sarajevo pod brojem UP-I/25-3-40-355-5/19, dana 15.07.2019. godine (kopija),
- Rješenje o vodnoj dozvoli, kojim se pravnom licu „IKIĆ - COMERC“ d.o.o. Bihać, daje vodna dozvola za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma „Gata“, a čije su granice istražnog polja odobrne Rješenjem Federalnog ministarstva prostornog uređenja i okolice, broj: UP-I/02/2-23-7-57/03 od 26.03.2002. godine, kojim se daje urbanistička saglasnost za eksploataciju mineralne sirovine na lokalitetu 2Gata“, Rješenjem Federalnog ministarstva energije, rudarstva i industrije, Up/I broj: 07-18-461/02 od 03.10.2002. godine, kojim se odobrava eksploatacija mineralne sirovine na istražnom prostoru „Gata“, odnosno Rješenjem Ministarstva privrede Unsko-sanskog kantona broj: 06-18-4085-UP-1/2014 od 04.05.2015. godine, kojim se odobrava eksploatacija dolomita na predmetnoj (proširenoj sa 5,10 na 9,8 ha), na zemljištu na kojem su riješeni imovinsko-pravni odnosi; izdato od strane Agencije za vodno područje rijeke Save Sarajevo pod brojem UP-I/25-3-40-443-12/19, dana 17.01.2020. godine (kopija),
- Rješenje o vodnoj dozvoli, kojim se pravnom licu „IE GRADNJA“ d.o.o. Bihać, daje vodna dozvola za ispuštanje tehnoloških otpadnih voda i oborinskih onečišćenih voda te aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma „Gata“, u naselju Gata, Grad Bihać; izdano od strane Agencije za vodno područje rijeke Save Sarajevo pod brojem UP-I/25-3-40-533-04/20, dana 1.12.2020. godine (kopija),
- Glavni projekat sakupljanja, tretmana i ispuštanja otpadnih voda sa kamenoloma „Gata“ Bihać; urađen od strane Instituta za kvalitet, standardizaciju i ekologiju TQM d.o.o. Lukavac pod brojem 10-91/20, januara 2020. godine, u Lukavcu,
- Revizija Glavnog projekta sakupljanja, tretmana i ispuštanja otpadnih voda sa kamenoloma „Gata“ Bihać; urađena od strane Euroing d.o.o. Bihać pod brojem: REV 01-01/20, januara 2020. godine, u Bihaću,
- Dinamički plan aktivnosti, broj: 08/20 od 24.07.2020. godine.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20 i 62/22), izvršen je pregled lokaliteta kamenoloma "Gata", koji se koristi od strane firme „IE GRADNJA“ d.o.o. Bihać, i tom prilikom sačinjen zapisnik o uviđaju, broj: UP-1/21-3-40-418-4/24 od 19.9.2024. godine, pri čemu je utvrđeno:

Eksploataciono polje je površine 9,8 ha ograničeno prelomnim tačkama označenim kao: A, B, C, D, E, F i G, koje su definisane koordinatama (x,y):

| Prelomne tačke | koordinate |           |
|----------------|------------|-----------|
|                | X          | Y         |
| A              | 5 565 987  | 4 976 900 |
| B              | 5 566 200  | 4 976 900 |
| C              | 5 566 400  | 4 977 000 |
| D              | 5 566 400  | 4 977 150 |
| E              | 5 566 082  | 4 977 150 |
| F              | 5 565 922  | 4 977 055 |
| G              | 5 565 932  | 4 976 970 |

kako je definisano gore navedenim Rješenjem, kojim se odobrava eksploatacija kamena dolomita unutar eksploatacionog polja „Gata“, Grad Bihać, izdanim od strane Ministarstva privrede Unsko-sanskog kantona pod brojem 06-18-4085-UP-1/2014, dana 04.05.2015. godine, u Bihaću.

Na predmetnom kamenolomu, u vrijeme izvršenja uviđaja, su postojali slijedeći objekti i mašine/ postrojenja: urađena betonska ploča za tankovanje i održavanje mehanizacije sa instaliranim separatorom ulja i masti), sepracijsko postrojenje, buldozer, bager i kamion kiper. Urađen je obodni AB kanal, dužine 148,76 metara, za prihvatanje oborinskih zamuljenih voda sa radnih površina kopa, odnosno za dreniranje predmetnog prostora. Izgradnjom obodnog kanala je omogućeno oticanje vode prirodnog taložnika, zapremine cca 6.000 m<sup>3</sup> čime je oslobođen radni prostor kamenoloma, odnosno prostor za odlaganje jalovine.

Snabdijevanje vodom za piće, sanitarne potrebe i tehnološke potrebe sapiranja prašine na separacijskom postrojenju i transportnim putevima u ljetnom periodu se vrši priključkom na javni gradski vodovodni sistem, prema ugovoru sa operatorom istog.

Oborinske vode sa internih saobraćajnih i parkirnih površina, radnih površina kopa te skladišnih površina gotovih proizvoda, a koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa radnih mašina i gotovih proizvoda se najvećim dijelom gravitaciono slijevaju okolnim tlom ka obodnom AB kanalu, kojim se dalje odvode do izgrađenog AB taložnika. Preliv iz taložnika je izveden u potoku Kozilar.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su, u dispozitivu rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog. Na osnovu provedenog postupka i utvrđenog činjeničnog stanja, doneseno je rješenje kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13 ).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Ahmet Smajlović, dipl. inž. arh.

Po ovlaštenju  
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- „IE GRADNJA“ d.o.o. Bihać, Plješevička 131, 77 000 Bihać,
- ⊙ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča - AVP Sava